

大清光緒廿四年

本館新開除禮拜外每日出報一
紙外埠均可函致本館取
閱如外埠閱報加寄費不
也除日本英法各國外復
借工本從英法各國採辦
紙各機器以待與各國紳
刊活字及各式花邊等延
西人排印工藝甚精所有
印字大小機器均用精工刊

第五千零八十六號



報叻

(號七第牌門口虱巴舊在設開館本)

印工緻絕倫並延有文士書
寫各體文字現由上海購到
各種書籍出售其書目另行
刊佈所有各項原稿其有須
本館所登者附登原稿亦須
世道人心者始錄其有謾罵
礙於人而後始錄其有謾罵
成文以及支離費解者概不
登錄嗣後諸君來札尚祈
自諒更須寫實里而後敢
將原稿收回也本館謹白

戊戌九月廿一日

大英一千八百九十八年十一月四號禮拜五 每張售錢五文 每月一元 每季三元 每半年六元 每年十二元

粵漢鐵路公司招股啟

○竊維鐵路一事為創立富強之基裕國便民海當今之急務邇者津蘆山海關各路均已一律告成而蘆漢蘇滬兩路亦已籌款興辦現擬籌辦粵漢鐵路以接蘆漢及推辦福建廣西支路規合宇內全局惟自粵租漢軌路三千餘里工程浩大需款數千萬兩除經督辦鐵路盛大臣向美商借定美金四百萬磅作為辦料製器外所有購地造廠尚需銀約一千二百萬兩之譜歸商集股承辦作一十二萬股每股銀一百兩業由本公司稟商 盛大臣議定章程商辦事權由商自主勸路購地由官保護定章美國借款週息五釐商股集款週息六釐均由收銀之日起息每年鐵路所獲運資除開費及還兩項週息外溢息均作十份以二成歸美商債主其餘八成歸歸股東均分抑或將該項攤還債主俟借款還清後該路即概歸股東管業款由美商揭借路亦訂由美國保護俟開辦之日擬將商辦債主由呈請佈告各國以期利權永保本公司初意擬在粵先辦招股因粵省適辦昭信股票不欲同時並舉是以先由外洋開辦期然粵省五大書院各山長四大善堂列紳董皆樂相助為理已聯名佈告代本公司招股屆時返省開辦可期踴躍一切辦理條目已列在開辦章程二十條以及簡明招股章程十條內現定於九月二十二日由坡開招如願附股者可到本坡大清領事署或叻報館主筆處單邊街文行堂天南新報館椒蜜公局星報館萬安和藥局水仙門湯廣生井旗山脚上合甘蜜店各處將章程取閱便悉謹此佈聞

大清光緒二十四年九月二十日 大英一千八百九十八年十一月四號

奏辦鐵路公司總董花翎二品銜馮鈞先道前檳榔嶼領事官新嘉坡等處總領事官張振勳告白

與本坡某西人問答記

西人某久旅京津熟悉中國語言文字詞則轉而商於叻地與本館執筆人有素日昨翩然過訪殷然問曰京中近事頗亦有所聞乎余曰僕雖羈旅南洋然父母之邦自不得不關心翹望況日向報紙中尋生活則中原時事安有不知西友曰以僕所聞則貴國宮禁中有最新最奇之事兩端為中國四千年來所未有者近則一時並出得非宇宙間極大之異事乎余聞而駭然亟請其說西友曰無他一則太后被控一則皇帝越獄耳余聞之不禁變色而作曰惡是何言也西友曰君以余為輕薄乎坐我明語于此二事均曾見於貴報之中非僕所得而杜撰也吾子不憶前日所登封禁報館之論乎太后之意以為各報館皆屬弄言亂政惑世誣民而主筆者率皆斯文敗類不顧廉恥故將天津漢口上海各報館一律查封惟論內未嘗分別中西因之各西字報及華報之為西人創設者見之咸不能言以為遭此謗言則於聲名大有所關而生理亦且因之有礙因各往謁其領事請詳公使向中朝理論究問太后無端毀謗之故此與西例毀謗他人名節致礙營生因而控告賠償者究何以異此非太后之被控乎又如貴報昨日所錄今 上在於瀛台逃登湖岸欲出頤和園門因被守者閉門不放嗣為內監追回一事夫瀛台之建也乃廢然一亭在於湖中亭之四傍皆設飛橋以渡自 上居此後即奉太后之命將諸橋拆去惟以小舟往來以進飲食此與監禁何異況瀛台乃避暑之所築於湖上四面皆水雖逢暑月亦覺涼風襲人一遇清秋即已未寒而凍今者九秋將盡而本年復逢閏月是雖九月亦與十月無殊况本月二十四日即屆立冬京師此時正在霜老雪新之候似此乍寒天氣即富家兒亦且處於深房邃室煖閣高床以避寒威况以天子之貴乎况又云天子近來有恙乎夫以身體壯盛之人值此新寒亦不應處於水亭之內矧以久病之體安可使其閉居於此乃太

後竟以是地而處今 上此中苦况想牢獄亦有所弗如乃復禁其出入使 上苦不能堪迫欲潛逃是與圖脫之囚亦何以異此非皇帝之越獄乎凡此兩端皆可謂千古未聞之異矣余聽畢不禁汗流浹背半响不能言語良久乃黯然而呼曰陰差弄權命壬逞志 聖明幽閉志士捐軀謝正崇邪與弊除利國之慘禍無過於斯我輩雖居海外亦猶是中國之人乃不幸而見此奇凶惟奈手無斧柯祇正好好北望中原惟胸膈痛哭而已西友曰比聞駐京公使中有欲糾合各國起而干預者吾子以為何如也余曰若然則固為中國四萬萬人之福耳西友曰雖然華民之不甘公法之不合法何余曰非此論也華人之心固甚惡外人預其內事天下各國莫不如是即僕亦持此見今則不然矣國中內變岌岌其危萬乘之軀懸諸一髮內之重臣外之疆吏惟知顧身家保妻子戀利祿圖安閒雖擁廣土強兵而肉食無謀更誰能起晉陽之甲以清君側而草

澤之士又無此權力以與靖難之師當是之時則捨借重外洋更無他策今因救聖主而安家邦之故實有不得不暫且從權之勢若外國中有能乘至公之心去貪私之念為安大局救中原起見出而干預吾想神州黎庶自必傾食壺漿歡迎恐後更有於不甘獨是假公以肥私借名以利已則為不可耳若夫公法更不足言今日之事強者為之公法已成具文惟有勢均力敵者或可借此以資話柄若夫大小強弱之間少不能相及則公法一事早已置諸腦後試觀各國近日所行之事如美之於西班牙俄德法之於日本英俄法意之於土耳其等皆何嘗有公法二字在於心目之中甚即中國近來與外國交涉之端亦不知公法係為何物然則復何須斷此一舉而不為哉然以愚意觀之所最宜亟起而匡救中朝者尤莫宜於英國蓋東方商務英為最鉅而權利亦以英為最雄英在中原執牛耳者已數十年而中國之外交亦以英為最厚乃英近因一着之差遂令俄人乘間出向中朝市惠至今中國人心幾以向英者轉而向俄今日之變亦因此厲之階英人素號觀變沉幾而一候之餘豈容再快况以英之力此事實非難辦不過倡言於眾糾合各國勒兵觀政諒彼暮氣頹唐阿諛詔佞之輩斷不敢或有違言夫如是則中國朝綱可以不勞而定不然則或有他國起圖先着則英之局面益失其在東方權力將不可以復言矣談至此西友乃拍案而起曰暢哉君論可謂洞明理勢之言曷莫登諸報中則為天下告乎余唯唯西友既去爰詮次問答之言登諸報首

上諭恭錄 ○九月初六日奉 上諭慈禧端佑康頤昭豫莊誠壽恭欽獻崇熙皇太后懿旨近年以來山東黃河屢次漫溢瀕河州縣受惠甚深小民蕩析離居情形尤堪憫惻因念河工堤埝雖經修培而潰決漫溢無歲不有閭閻生計所關豈得因循坐視著京外臣工遴訪熟悉河務精明廉潔之員臚舉政績出具切實考語保奏候旨簡派率關保衛民生大計爾諸臣當仰體朝廷與民休戚之意遴選真才核實荐舉以圖收效不得純盜虛聲致滋貽誤將此通諭知之欽此○初七日奉 硃筆慶常補授鴻臚寺卿欽此○同日奉 上諭鎮國將軍載瀛之第四子着命名溥佩欽此○初八日奉 上諭張汝梅奏報效銀兩不敢仰邀獎叙等語該撫前曾認借昭信股票銀十萬兩並將本息捐助學堂經費嗣又倡捐東賑銀一萬兩先後諭令戶部核給獎叙茲據再三籲懇不敢仰邀獎叙張汝梅歷次報效鉅款實屬好義急公深堪嘉尚伊子兵部郎中張書蘭工部郎中張書年均著以知府選用三品廕生張書恒著以主事用以示獎勵該部知道欽此○初九日奉 慈禧端佑康頤昭豫莊誠壽恭欽獻崇熙皇太后懿旨昨日軫念山東河患降旨令中外臣工保奏熟悉河務之員候旨簡派茲據張汝梅奏查山東黃河工程據實覆奏一摺山東黃河連年漫決小民蕩析離居深堪憫惻迭經隨時堵合迄無一勞永逸之策亟應集思廣益詳籌辦法以拯昏墊而重宣防著軍機大臣會同大學士六部都察院各堂官迅速妥議具奏欽此○初十日奉 慈禧端佑康頤昭豫莊誠壽恭欽獻崇熙皇太后懿旨詞訟為吏治最要之端必須隨到隨結毫不拖累方足以恤民命而清訟源近聞內外刑衙門於應辦案件往往經年累月延不審結甚有創設候審待質各所以迄班館名目屈押無辜其餘丁役之需索胥吏之留難種種弊端不可枚舉試思一人坐獄闔家不安小民各有生計苟非含冤負屈豈肯輕涉訟庭委身法吏乃有司各官因循疲玩習為故常全不以民瘼為念殊堪痛恨著刑部都察院及各省督撫詳定清訟章程嚴核官吏功過所有月報各冊務須實力奉行如有不肖官吏仍前玩視視為具文即著嚴懲懲辦毋稍枉縱將此通諭知之欽此○欽奉 慈禧端佑康頤昭豫莊誠壽恭欽獻崇熙皇太后懿旨近來各省奏到就地正法之案以盜犯為最多此等兇徒其情可惡其愚可憫凡為盜賊之人每藉口於饑寒迫切流而為匪殊不思犯法干刑斷無生理况若輩素非懦弱無能倘使當刑務農本有營生之路投營効力亦有進身之階與囚禁囹圄身首異處者孰得孰失且一經事發累及父母妻子捫心自問其何以安深官軫念民生無日不向德教刑為念用是特頒訓諭告我羣黎向其仰體朝廷惻隱在抱之懷勉為盛世良民毋徒逞強梁自罹法網著各省督撫地方有司通行曉示務使遐陬僻壤咸有戒心用副愛養黎民至意欽此○十一日奉 上諭閩浙總督著許應麟補授未到任以前著增祺暫行署理欽此○同日奉 慈禧端佑康頤昭豫莊誠壽恭欽獻崇熙皇太后懿旨向來中外各衙門辦理強劫盜犯俱係不分首從自屬照律辦理從前尚有分別法無可貸情尚可原兩層近則一經審明正盜無不立予駢首辟以正刑立法不得不嚴惟念盜案首從雖同一犯法究屬稍有區別應如何網開一面稍施法外之仁著軍機大臣會同三法司妥議具摺奏聞欽此

英法電音 ○本坡實得力太晤士西報接十九日英京來電云英廷現已發令着製六寸口徑鋼線密捲之巨炮二百門并載運軍糧火械等物甚多前往模打及兒勿勞打兩地而那峇地方營務處亦接上游之命着其照前所定之法嚴備兵車以籌守禦惟法國各報聞英備兵之急莫不駭然紛紛論說謂英國何必備戰如此其亟蓋我法於花梳打一事經已指明欲將其地之軍撤退矣法報所言如此其囁於英國之勢可以不言而喻矣

法國電音 ○本坡實得力太晤士西報接十九日英京來電云法國廷臣現經舉定柳卑自為宰相兼畿內大臣不刺施湯則為兵部大臣拿呂加施則仍為外部大臣祿來則為海軍大臣云

美班電音 ○本坡實得力太晤士西報接十九日英京來電云美班兩國使臣近在巴黎會議茲悉美國之意則必須將飛獵邊羣島概行割歸美屬云云若然則西班牙國外寸土皆非所有從此一蹶已無有復振之時矣

德皇遊電 ○本坡實得力太晤士西報接十九日英京來電云德皇現在業已斷絕東遊之志蓋因得聞英法兩國之事將有變動之虞誠恐因此牽連歐洲大局故致遊興索然趣駕言旋本國也
密調英艦 ○香港來信云英國鐵甲戰船峇弗羅羅前日忽奉封口密令着其滿載煤糧立時出口而後啟視方畧該艦奉命登即展輪欲往何處則尚未得而知

法艦西馳 ○昨二十日正午之際瞭者遙見一法國戰艦經過口外由東而西惟遠而觀之不能辨為何艦也
快船道渡 ○歐洲來信云中國在英所製之海琛快船現已告成經已展輪東來想不日即能抵叻也
輪船偶碰 ○昨日早英國郵船由港來叻當其入口之際在丹戎巴葛碼頭而過時該碼頭第十五號貨倉前泊有英國輪船一艘該郵船道過之際不知何故竟向所泊輪船之傍擦過以致碼頭亦受微傷時港傍有穆拉油小筏數艘販賣螺壳石花者亦遭碰覆云
英人仗義 ○本報本日所記與本坡某西人問答之語甫脫稿即接閱本月初二日長崎發詩報轉錄別家日報云大英國現有戰艦八艘在大沽口所有糧餉等物均由英國口岸運給風聞英國駐中國北京欽使致書於中國皇家內計四款 第一款云 中國乃皇帝之國今大英國見 中國大皇帝去位情難默視須請 中國大皇帝重行撫臨天下 第二款云 中國大皇帝應有之權柄 皇太后不得阻撓 第三款云 康有為及業經降 旨捉拿之人請一律赦宥 第四款云 如中國政府不允我英國所請我英國當自行設法云云是說也雖未能決其確否如何然日本報章既已言之鑿鑿惟願所傳非謬則中朝之困或可復蘇聞者須知英國此舉係為仗義拯救我 皇與外人干預內事者不同凡我華民所宜馨香祝之者也

追述變故 ○上海蘇報言有西友自都門來據云 皇上與參預新政諸員定議八月初八日御懋勤殿行政而外間傳言 皇上將易服色去辮髮與天下更始風聲流播初一日城市各典肆買衣至數萬金愚民惶駭道路洶洶諸員過慮屆期或有他變適袁世凱在都因議令調兵以備彈壓在朝房明奉硃諭並無圍劫慈駕之文事為剛毅所聞疑有非常即奔告 太后袁世凱亦疑上有後命馳至津詣直督告變而太后先已入諸舊黨失勢之譖於是信實立奪皇上政柄而召榮祿於是支那維新之化土崩瓦解夷蕪滅幾至於盡豈不惜哉蓋圍劫頭和園 皇上無此心康黨無此事而皇太后固不知也市中有虎泉色變於慶告參役人慈母惑於三至其震怒誅戮宜也
西人論黨 ○有西人致函香港西報論中國黨事據稱中國維新守舊之人分為兩黨湖南人維新安徽人守舊彼此各執一見參商維新黨誓不願歸俄統轄各欲奮力以保國家意欲聯同四川兩粵貴州福建等省維新之人以攻守舊黨惟未悉英國將誰與助中國如不欲歸俄計非遷都不可也

星使放歸緣由 ○前簡放出使日本大臣黃公度京卿在滬時南洋大臣劉奉北京政府電寄廷旨飭令將該大臣看管候旨曾誌報端昨閱國民報接北京訪事人來函云黃星使此次被竊實因御史聯銜揭參指為康黨以致朝廷盛怒幾遭不測之禍嗣日本前內閣大臣伊藤侯一聞黃星使被拿之信立即電致駐紮北京之日本公使林君至總理衙門會晤慶王各大臣畧謂中國政府前既以黃遵憲簡放出使是必以黃遵憲為能勝聯絡邦交之任於清日兩國均有裨益今忽管押拿問而政府又未將其所得何罪明白宣示如此辦理未免於兩國交誼有所妨礙云慶王答以務當力為保全隨後總理衙門又接到南洋大臣來電云有英國擬派兵隊十人將黃遵憲極力保護并聲言如中國國家欲將黃遵憲不問其所得何罪治以死則我國必出力援救以免其不測之禍總署因電覆南洋大臣將黃京卿釋放不必管押於是政府始定議將黃遵憲撤去差使令其回籍以上各節均係旅京西人傳言如此爰照錄之

御賜上方刀劍 ○中國之上方劍清語謂之遏必隆刀咸豐初年賽尙阿奉命視師剿除粵匪曾賜此劍嗣後滿漢大臣中均未之有也本館昨接北京訪事人來函云有內廷當差之旗人傳說日前端王載漪及貝勒載澂均蒙 皇太后賜以上方刀劍凡禁門以內及在內廷行走當差之人遇有形迹可疑或行踪詭秘准其先斬後奏聞七月間端王及連貝勒等在 皇太后前密奏謂 皇上近來力求變法而置祖宗之成憲於不顧實非宗社之福請 太后以宗社為重敦求訓政當時 太后銜之置之不答此次遏必隆刀之賜蓋所以旌殊功也北京旗人傳說如此其事之確否則本館不敢懸揣也

獄中題壁 ○蘇報載譚嗣同獄中題壁詩云望門投止思張儉忍死須臾待杜根我自橫刀向天笑去留肝胆兩昆侖
楊御史召見述聞 ○國聞報載北京來函云楊莘伯御史既於上月初具密摺由某親王轉呈大內請皇太后訓政於是各言官莫不摩厲以須乘時利見而楊御史亦復封章疊上至再三然其立言之宗旨則大要不外乎誅新黨復舊制欲盡翻五月以來 皇上之所為而已上月廿八日因遞呈封奏得蒙 召見凡向來御史遞封奏多不 召見故此大楊御史之入見各國人士在北京觀政者無不欲考究其事以測驗政府所定之羅網探悉楊御史此次封章乃係揭參多人其所參之人有京官有外官大抵均係平日講求西學主議變法之人其人數多至數十名政府之意亦不欲與新黨人全然為難懼授外人以口實故其 召見之由語略謂概不株連之諭朝廷已再三言之中外共知

勢不能將新黨之人全行誅戮罷斥若如該御史所奏欲將講求西學主讓變法之人一律治罪則不特國家無此政體即辦理亦有許多為難之處自今以後該御史勿復多言進退黜陟朝廷自有權衡毋須再三之瀆也各國在北京人士聞得此信頗以政府為然

言官之功

○天津國民報又載京函云中國政府自殺四卿之後本無鉤稽連窮治新黨之意亦並無將皇上數月以來開創百度之事全行反覆之意而都察院各道御史以為趁此機會不分青黃皂白凡有關係皇上所創行之新政皆指為康有為之邪說太后無不力予平反凡有曾經皇上賞識之小臣皆指為康有為之徒黨太后無不嚴加懲治我輩從此升官從此放缺即可從此發財利莫大焉於是今日單銜遞一摺明日聯名上一章半月以來或職革或放廢或永不叙用皆言官之功也復六衙門復八股禁學會禁報館撤農工商局亦皆言官之功也然各言官將來之升官發財其得失未可逆料而初一日太后之慈訓則已大加申斥此則所謂求榮反辱弄巧成拙北京各言官其亦可以結舌矣

棉花餘利

○天下之物必不可用者棄之固不足惜而積之則見其多若不設法創製化無用為有用是棄利非棄物也今觀美洲格致二始悟天下本無棄物但視人事能修與否耳譬如敗絮製紙一項其利之溥現時西人皆能道之至於棉花餘利尤得享於成帛成衣以後者可不亟亟講求以盡其利乎蓋棉花既經軋後其棉子足留為明年布種然所用無多其餘散棄之中自美國計之每年可積至一萬八千萬斗權之可得三百萬墩將何術以消除乎用是有炸油之製棉油和鷄卵而烘之風味為烹飪上品第所消亦不能多每年不過用至十八萬墩而已用是又復設法製為肥料如棉子餅棉子粉之類以喂牲畜牛羊食之肥澤而多列惟牛奶油不能多得若以棉子煮熟以雜芻草而飼之亦最有益棉之為利至此乃盡天下之無棄物亦至此乃見嗚呼講求新學者可不勉哉

喇嘛進貢

○藏中友人來書云前藏商上輪應呈進例貢均已敬謹備辦開具清單定八月二十五日專差堪布洛賽領與藍占巴降養森根索洛桑彭錯隨帶僧俗徒眾四十四名由四川大道赴京駐藏大臣文欽帥照例札委前藏糧府胡司馬用霖遊擊陳錦向噶布倫等逐一點驗貢品仍令包固並委額外委張大富帶同兵丁十名妥為照料護送至川交督以昭慎重屆期再發給執照口外台站妥為應付口糧夫馬俟進口後官給盤費口糧並歇驛一百六十頭俾得沿途使用云

華英合辦

○日本報云英國之上海銀行總司理人曾與中國訂立合辦津滬鐵路之合同以三年為期華英合辦而於舉辦之日即先由該銀行撥出二百三十兆金磅為鐵路經費而用何作接則須將山海關至北京之鐵路及萬里長城之北所有礦務之利權為按且求中國大皇帝簽畫為據如此鄭重不患有虧累矣嘗謂中國與英國之邦交視別國為厚今觀此事益信而何以中國幾至崩裂英不急為保護耶

恩榮追贈

○粵友函云朱容生太史一新浙江人前者因奏恭某大臣降為主事遂退居林下迨南皮張制府督粵時設廣雅書院特聘太史來粵主講該書院多年培植兩粵人材甚眾後因積勞成病在書院騎箕西逝士林中均同聲痛哭至今業已多年前學憲憐次遠文宗於三年報最時因粵中士林思慕太史之為人故文宗特行入奏請將太史生平事跡宣付史館并追贈卿銜近日粵垣大憲已奉到咨文着照所請矣

因公奉委

○法繼俄德之後索取廣州灣中國大帥大鳴小叩小鳴無不取懷而與從此該灣已歸法轄矣然而交割伊始恐土人不安則滋生事端轉形棘手故先事預備於該灣之附近處調福軍駐防數月以來相安無事固可以靖反側又可以固邦交矣惟刻聞該灣事宜尚有疎畧之處需再為妥議始無齟齬之嫌故譚官保未雨綢繆其嫌隙即委候補道周觀察炳勳先至雷瓊兩屬與地方官熟商杜勘房謀期於妥協然後與法員會議云觀察遂於本月初十日乘坐安瀾兵船啟輪南指嗣又接續信云譚官保以周觀察精於洋務特委署雷瓊道之篆以專責成經乘安瀾兵船往履新任此固由官保之因人善用亦由於機會恰乘也因風使颶勝於逆水撐船

快獲無辜

○昨接駐越友人來信云宅那某號東某潮籍人在越貿易有年名望素著法國國家舉為工部局員之職近因其夫人謝世定于本月初六日出殯同籍諸人購費相弔輓聯祭軸之外復有大鑼鼓一部先於初四夜在別處先行演習擊鼓鳴金聲震遐邇聚而聽者甚眾事聞該處巡捕署即發電往西貢報知總督云宅那華人是在夜大整旗鼓共謀反叛督督接電即起兵二百名馳赴宅那擊鼓處密行圍困一網打盡當場拿獲七十餘人內有某某兩號東主亦被拘拿旋由殷實商人代為保出在外候審其餘多屬工役之輩至今尚在縲紲云至於諸人否有犯例以及國家如何辦理此非局外人所能知惟反叛一事未免言過其實云

臬署堂期

○西十一月十五號即華十月初二日乃西本年本坡臬署第六次開堂決獄之期計本屆巡理府詳解各案至本日止不過僅十二起內有命案二宗惟現距堂期尚有旬日將來否有續詳之案當俟屆期再將案目列登備覽

獲兇續報

○前報龜咯潮人麥勝隆被劫斃命旋經臬司執獲武吃人馬申一案聞馬於被獲時經差在其屋中搜出衣襪等物均有血痕嗣又續獲穆拉油人名述及亞麥武汝二名今尚未經訊定也

見屍續報 ○昨報穆拉油塚場內查獲自縊屍身一具茲查悉此非穆拉油塚乃王族宗室塚地不常有棺往葬平日人跡罕至此屍蓋有幾時實無知者事緣十九日有某宗室之棺往葬乃始見之但其縊已多日齒骸盡變其頭已斷身墮地中肉已盡消止餘足骨及零星碎骨惟頭顱及辮髮則仍掛於樹中云云合再誌之以存其實

府案摘登 ○叻產潮人林亞容以牽手車為業十九號有爪亞人勝慧轎乘坐其車不給工值且加毒毆林遂控之二十日府尊訊定判罰勝銀六元示儆 ○潮人蔡增長赴案請票拘獲同籍人鄭正來鄭正廣二名據稱向在某柴船充當船工二鄭係為水手昨因細故被其以斧斫傷左臂云云現因傷者赴院調醫故展至廿六日再訊 ○西人禮憐控其吉密役人守申竊銀一百七十元又有吉密人買憐為之窩贓此案亦於是日在府堂審訊惟尚未訊畢命展至廿七日再訊 ○粵婦某氏昨在府堂觀審適不知規矩吸食紙烟因被府尊所見將其傳到案前婦怖甚認罪無辭府尊憐之諭以下次不得復爾因命將其開釋

京報選錄 ○大學士管理吏部事務臣徐桐等謹 奏為遵 旨議處具奏事內閣鈔出光緒二十四年七月二十七日奉 上諭前據御史文佛奏參雲貴總督崧蕃與臬司與祿營私各節當經諭令王毓藻確查茲據派員查明覆奏據稱崧蕃潔清自重雲貴文武官無異辭其被參賄賂需索各款均查無實據臬司與祿職守無多辦理各局不能核實武弁亦多出其門下代求差委操守難信殊難勝任與祿着即行革職另片奏參古州鎮總兵黃呈祥與督署門丁張升等相識禮物往來等語專副大員與督撫聞人交接殊失體統黃呈祥着一併革職至崧蕃與臬司同官日久該員既識字無多其辦事概可想見何以未經奏參該督門丁王姓張姓私收門包物議沸騰均有失察之咎崧蕃着交部議處餘着照所議辦理該部知道欽此欽遵到部除與祿革職之處臣部另行知照並武職應由兵部核辦外查定例官員徇隱者降二級調用私罪又失察家人收受屬員門包者降一級調用公罪等語此案雲貴總督崧蕃前經御史奏參現據貴州巡撫王毓藻查明據實覆奏欽奉諭旨交部議處等臣查雲貴總督崧蕃與臬司同官日久該員既識字無多其辦事概可想見該督未經參奏應請將雲貴總督崧蕃照例降二級調用私罪例議以降二級調用該督又失察門丁收受門包應請再照失察門丁收受門包降一級調用公罪例議以降一級調用查該督降二級調用處分係私罪毋庸查紀抵銷其降一級調用處分係公罪例准准抵銷可否准其抵銷之處恭候 欽定所有臣等遵 旨議處緣由理合恭摺具奏伏乞 皇上聖鑒訓示遵行謹 奏奉 旨已錄

機關出稅 ○茲敝號有新棧二間座落豐榮火確邊上落水極便長一百十二脚氣闊三十六脚氣如諸商翁要租者祈移玉到敝號內相商此佈 光緒二十四年九月十八日 豐源號謹啟

英國灰出投 ○啟者茲定於西曆民末月四號即華九月二十一日禮拜五下午二點半鐘在實叻門A字貨倉內拍賣 羊標英國灰三百五十桶此灰經受海潮 諸君有合意購買者祈屆期 玉臨投買特此佈聞 大清光緒二十四年九月拾九日 大英一千八百九十八年十一月二號 吧越館主謹啟

地段出投 ○啟者茲承地稅司命定於西曆民末月廿三號即華十月初十日禮拜三下午二點半鐘在本館拍賣 地段五起坐落直落亞逸羅民申路附近水龍局之處即舊巴虱對面又地段三區坐落落古魯街及一地在華打汝實得力其地建屋一間係第八十號門牌所有拍賣章程概照英字所列而行 諸君有合意購買者祈屆期 玉臨投買特此佈聞 大清光緒二十四年九月十九日 大英一千八百九十八年十一月二號 吧越館主謹啟

上海自來火公司發售煤油告白 ○啟者茲上海自來火公司立約售賣之烏煤油計至西一千八百九十九年嗎只月二十號即已到期不日即欲招人入票承買此油用特先行佈告至該公司所出之烏煤油每年可得十五萬牙蘭之譜併此佈聞 西一千八百九十八年屋多末月十二號 機器師經喜勝奉眾協理人命謹啟

寫生妙手 ○陳君湘庭潮州人也性獨靈不羣彬彬然風雅士善書法且精繪事暇時藉以自娛不肯輕示人故知者寥寥昨於友人處見所寫花卉條屏骨格蒼老氣味悠長神品也彷彿任伯年先生手筆余雖門外漢亦展玩不忍釋手君住弔橋頭年盛號內同道者盍一訪之方知予言不謬謹誌數行以深景仰 大清光緒廿四年九月十五日 隨使英義比國駐坡委員洪錫昌謹告

實勝越禁止載運日銀入口示 ○特諭通知西本年屋多末月十八號實勝越國家新訂一章此章立後凡屬日本銀元概不准載入實勝越地方倘諸式人等有載運此銀入口者即將其銀充公特此佈告 西一千八百九十八年屋多末月十八號 在實勝越居精榜示通知

堪輿妙術 ○即用訓導林明長茂才閩之永春人也術擅堪輿為人忠厚樸誠世以地理著名茂才既得祖傳兼承異授不惟尋龍點穴獨具隻眼裁法幹旋別有匠心即斷土色論吉凶評燥濕歪斜亦無不如响斯應六月間為陳合春裁擇佳壤延請地師不少獨茂才所斷毫釐不差足信學有淵源名不虛著即楊曾再生亦不過是現寓做齋內凡有志求一眠佳穴者請嘗試之方知予言不謬也特此佈告
光緒二十四年九月拾三日 集文齋主人林來達謹啟

旺梨園出投 ○啓者茲定於慈民末月八號即華本月二十五日禮拜二下午二點半鐘在本館內拍賣 旺梨園地一坵坐落淡申律距坡約有七英里之遙大約有一百二十六畝葛但該園地附近武吉加籠之處內有少許土糝雜其中 諸君有合意購買者其拍賣章程應俟屆期再行通佈此達 大清光緒二十四年九月初十日 吧越館主謹啟

敬告求書 ○張君鶴樓鄉江之風雅士也幼就學於施少愚太史之門遂得與法儒雅名噪一時茲因孫山落後偶作南遊於中秋節日抵叻行裝甫卸素耳其名者踵門求書如山陰道上應接不遑矣現假寓於豆腐街順昌隆行中余忝知交有素敬獻數言於報端以俾同好者知方換焉焉可 光緒二十四年九月初六日 友蘭居士陳少亭佈

精製眼鏡告白 ○眼科之理甚微筆難闡述約而言之則人之眼目雖稟賦不一然每至年老則恒兩目昏花此等眼患乃世人所不能免若非於少時預戴精妙之眼鏡則不能常護其瞳神也又如人生精神有限或因觀書等類過耗目力每致頭痛神倦眼目昏花故眼鏡一事在所必須雖然若以平常之眼鏡用之不惟無益反足以耗瞳精故必須以製造得法之眼鏡用之始能獲益余業此有年矣平日精心考究於製造眼鏡之法可謂得厥精微所製眼鏡前在英京及加刺吉打等處售賣卓著聲名今到叻中定於西本月二十四號即華九月初十日再在土庫花園邊末打里路第二號門牌內創設查考眼目之房一所每日由上午十點鐘起至下午四點鐘止均在此處接教至於尋常眼目之眼鏡則每對僅沽銀三元凡諸君到請查驗眼目者概不受謝併此佈告 西歷一千八百九十八年十月十號 刺沙勝士謹啟

蓋聞藥酒之功用甚宏何以市井懸壺屢試罔驗此非藥酒之不效殆亦所以製此藥酒者之未得其宜也惟本軒所製各項藥酒詳究醫理細訂良方復選地道藥材購醇醪而醱釀故其奏功甚速迥與別家不同即如追風去濕藥酒舉凡一切風濕等症服之皆效大樽價銀五角小樽價銀三角及滋補百歲藥酒性非寒燥固本扶元服之固可延年益壽每樽價銀四角又參茸三鞭藥酒如腎虧遺精體倦神疲服之並可壯陽而種子每樽價銀八角又軍中跌打藥酒如跌打刀傷積瘀腫脹服之併可舒筋絡而止腫痛大樽價銀一元小樽價銀五角又婦人經期肚痛藥酒如經期不調肚痛白帶服之亦可調經而銷瘀每樽價銀四角 以上各項藥酒皆本軒精心監製屢試屢驗方敢出而問世所望 諸君沽而試飲方知余言不謬并希認明招牌古鼎為記庶不致悞惟本軒所擬各價係以平日所沽而論至逢每月初二十六日照價九折以廣招徠 一本軒係在新嘉坡牛車水大馬路戲園街口開張 一在新嘉坡小坡直街廣茂 異常經緯度數井然不紊所謂羅千里於咫尺者目今台事戰爭未生號寄售 一在芙蓉埠廣生號寄售 一在吉隆坡恒棧號寄售 已有正人心所宜亟為攷究者 諸君賜顧請移玉至本館面商可大清光緒廿四年六月廿九日 時雨軒主人謹啟 也 大英一千八百九十八年七月一號 本館謹啟

新印台灣地圖寄售 ○啟者茲有新印之臺灣地圖精細嘉坡牛車水大馬路戲園街口開張 一在新嘉坡小坡直街廣茂 異常經緯度數井然不紊所謂羅千里於咫尺者目今台事戰爭未生號寄售 一在芙蓉埠廣生號寄售 一在吉隆坡恒棧號寄售 已有正人心所宜亟為攷究者 諸君賜顧請移玉至本館面商可大清光緒廿四年六月廿九日 時雨軒主人謹啟 也 大英一千八百九十八年七月一號 本館謹啟

店舖出稅 ○啟者茲有店舖一間坐落溝仔墘第廿五號門牌即順源棧之隣前經該棧稅為貨棧者茲欲將其樓下及後樓出稅與人 諸君有欲稅住者請至墊邦路頭豐興號內向余詢問便得特此佈聞 光緒廿二年十月廿四日 薛連錫謹啟

草聖暫駐 ○朝鮮尹君溪石草法本地人士已所欣賞今由吉龍而返叻現寓於單邊街新巨泰三樓開筆定於九月晦內動身其潤資均照舊例新到上海及金榜箋紙寄售 光緒廿四年七月十八日 啟

時雨軒主人謹啟

豐源號謹啟

時雨軒藥酒發售

豐源號

本號輪船往來各埠定期列如左 在各埠往實叻日期
六甲往芙蓉每逢禮拜二六日中午十一點鐘開行
由各埠回實叻之日
由麻六甲回芙蓉每逢禮拜二五日上午十點鐘開行
各輪船在叻往麻六甲吉隆坡實蘭午 等禮拜五日三點鐘開行特此佈

正金鐘標萬蘭池酒發客



所上有各票如無本行不殺呼峇華字者即為假貨幸勿為之誤買
本行有厚望焉
大英一千八百九十八年正月十三號
不殺呼峇即前加珍洋行謹啟


啓者本公司所督辦正金花鐘標萬蘭池酒久已馳名叻地諸華商均喜用之現已議定與本坡酒公司包辦以應零沽凡華籍諸君有欲零沽者請至酒公司沽買便得如買成起以便配往外處者仍可至本行沽買至此酒

製造之法
精妙異常
酒味甚清
以之蒸釀
者皆為上
等之料保
無偽充之
弊此酒若
在本坡沽
飲甚屬合
宜且價亦
甚廉諸
翁沽用須
為留心辨
明以免魚
珠之混現
在市上假
冒者甚多
以
嘉新
坡專
不祖
殺家
呼頂
峇上
公美
司酒
售發
標印
認明
顧光
君諸
庄原
木東
膠係
前此
酒仍
紅首
冠仔
標萬
蘭池
酒出
售

戊戌年月份牌發客

啓者本館新印戊戌年華英月份牌現經告竣至本年刷印所以畧遲之書實緣明年晦朔節氣頗有參差本館鑒於前年叨地諸家之誤故有敢冒昧從事爰特按照欽定時憲由詳加校勘所有差餘氣節悉無訛舛庶得以仰副 諸君子惠顧之殷至於圖畫之式亦已概改舊觀以期一新眼目 諸君賜顧請移 玉至本館面議價其相宜倘欲躉買更當格外從廉特此奉 聞諸惟 惠照 本館謹啓

鐵廚出售



大英一千八百九十七年二月十二號
不殺呼峇即前加珍洋行謹啟

啓者本行所售之鐵廚在本坡馳名已久素蒙 各君購用莫不盛稱其妙計此廚之大小共有五種而價甚相宜此鐵廚乃歐洲著名工師所製極為美善本坡所有西人齊習人以及作椒蜜生理諸華商多向本行沽買以為貯銀之用因本行所沽者均用頂上物料製造而成不惟能壯觀瞻而且異常堅固無論火燒盜劫均可無虞貨美價廉莫此為甚倘 各君有欲購此廚以收藏重寶者可至本行選閱是幸此佈
英一千八百九十八年正月十三號
不殺呼峇公司即前加珍洋行啟




Bisquit Dubouche & Co.
COGNAC

啓者本公司所製之紅首冠仔標萬蘭池酒馳名已久乃在歐洲名家所製自一千八百一十九年相傳至今已閱八十年之久而其酒有收存數十年方肯出而沽賣蓋者其熱氣概已全消所以 諸君沽飲者均深譽現存歐洲一帶各國之人無不喜飲此酒因其氣味清香遠勝於他酒故也是以本行特辦此酒來叻發售自此酒到叻而後凡沽飲者無不盛稱其美且此酒與本坡天氣甚屬合宜諸翁賜顧祈細心辨認紅頭庄及以上所列各票頭并有來士古乙拿模只公司等兩字為憑庶免為魚珠之混是所切盼

啓者本公司所製之紅首冠仔標萬蘭池酒馳名已久乃在歐洲名家所製自一千八百一十九年相傳至今已閱八十年之久而其酒有收存數十年方肯出而沽賣蓋者其熱氣概已全消所以 諸君沽飲者均深譽現存歐洲一帶各國之人無不喜飲此酒因其氣味清香遠勝於他酒故也是以本行特辦此酒來叻發售自此酒到叻而後凡沽飲者無不盛稱其美且此酒與本坡天氣甚屬合宜諸翁賜顧祈細心辨認紅頭庄及以上所列各票頭并有來士古乙拿模只公司等兩字為憑庶免為魚珠之混是所切盼

蜜酒出賣



啟者本行由歐洲辦到上等蜜酒來叻發售其酒甚佳茲將標頭印出 諸君光顧祈為細認免致有誤近聞有無恥之徒假冒本行鎖匙標飲希圖魚目混珠最堪痛恨今本行再行核定於酒樽木枳內加鐵烙鎖匙形以示分別倘 諸君有知何人假冒請到本行報明即謝花紅銀二百大元經官訊定即能給發斷不食言再此酒不能販往 加勝巴 三寶瓏 泗里末 望加錫 檳榔嶼 日裡等處其他埠均能運往並此佈聞
大英一千八百九十八年正月一號
光緒廿三年十二月十八日
明嗎也洋行謹啟

烏密酒發賣




啟者本行向由英國督辦各種美酒來叻發售久已遐邇馳名茲復由英新辦到頂爾士斗雲字號之狗頭票烏密酒到叻應沽此酒香美異常不惟飲之可口且能保養精神調和血氣常飲令人不生疾病誠酒國中上品也 諸君光顧應細看以上所列之狗頭標庶不致誤且價甚相宜倘 諸君有欲酌飲者請至本行取用可也此佈
英一千八百九十八年正月一號
光緒廿三年十二月十八日
明嗎也洋行謹啟




敬啟者茲本公司親由法國督辦頂上好萬蘭池酒來叻發售其酒清香濃郁醇厚異常飲之誠可令人長血氣壯筋骨悅顏色妙美無窮今市上所有萬蘭池酒無有能出其右者誠佐饌中妙品也至此酒惟本公司一家沽出餘無別家出售 諸君光顧請細認蜂窠標頭為記並細辨香味方不致誤價甚相宜倘有劉伶之癖者祈早至惠臨購買是幸
英一千八百九十八年正月一號
大清光緒廿三年十二月十八日
明嗎也洋行謹啟

馳名鐵廚發售





嘗思營生之道所最要者則惟數簿其次則惟銀兩然必須有以善藏始無意外此本行鐵廚所以為 諸翁之所共賞也啟者本行所賣之鐵廚久已馳名於東方一帶而於叻坡則聲名尤著至本行購賣此等鐵廚已有三十年之久其製甚為堅固保能避火且其鑰匙甚妙斷非盜賊等所能開計其廚全身均用鐵製成並無雜以木料且諸廚自前至今均為一式堅固耐用有優劣之分至於各廚大小不一而價值則約一百元至四百元凡用之者可保其不礙焚燒即火災亦無所損本行之鐵廚實為叻坡諸華商所喜購而本行每年所沽亦殊不鮮茲特為之錄佈倘 諸君有惠顧者祈即玉臨選購為盼
大英一千八百九十八年正月一號
大清光緒二十三年十二月十八日
明嗎也洋行謹啟



三品出品

啟者本行督辦歐洲馳名三品洋酒來叻發售其酒係白頭款式發售有年沽飲 諸君莫不稱其香美奈近有無恥之徒假冒本庄三品酒款式以圖魚目混珠情殊可恨嗣後 諸君購買本行白頭三品酒者請細認本號招牌之內有小紙包頭註明華字新嘉坡明嗎也 諸君始真若無此字樣即屬偽冒請為細認特此佈告
大英一千八百九十八年正月一號
明嗎也洋行謹啟



文島	新留美輪船	廿四日	下午四點	豐源號
巨港	又	又	又	又
麻六甲	萬興源輪船	廿四日	下午三點	豐源號
吉龍	大白蠟	又	又	又

前途來電云英國郵船名巴勝馬打於本月十五日由香港
 啓程來叻定於本月廿一日禮拜五即能抵叻上落客貨畢
 即往歐洲等處矣
 前途來電云英國郵船名馬刺力於本月十六日下午由
 高浪霧啟程來叻定於本月廿二日禮拜六即能抵叻上
 落客貨訖即往香港上海等處